

3

QVAESTIONES

QVATVOR
CARDINALES.

PRO SVPREMA

APOLLINARI LAVREA CONSEQVENDA PROPOSITÆ
AB ILLVSTRISSIMIS PROFESSORIBVS ET CONSILIARIIS

Regis D. D. Francisco Ranchino Monspelienſis Vniuerſitatis
Cancellario ampliſſimo.

E T

D. D. SIMEONE CVRTAVDO EIVSDEM VNIVERSITATIS
Decano reuerendo.

HIS ACCESSERVNT ASSERTIONES, PROBLEMATA,

Paradoxa : quorum omnium veritatem (auspice Deo) per triduum
integrum publice tuitus eſt Abel Brunyer Pariſinus Artium
Magiſter, & Medicinæ licentiatus.

DISPVNTIBVS SINGVLIS PROFESSORIBVS,

*Doctõribus aggregatis, Doctõribus, Licentiatis, Baccalaureis, &
ſtudioſis in anguſtiſſimo Monſpelienſi Apollinis ſano.*

MONSPELII.
Apud Ioannem Pech Typographum Regium & Vrbis.

M. DC. XLI.



SERENISSIMO PRINCIPI
I. B. GASTONI
VNICO REGIS CHRISTIANISSIMI FRATRI
AVRELIANENSIVM DVCI.

F.M.P.
PUBLISHED

NON deerunt fortasse (PRINCIPVM SERENISSIME) qui scholasticis medicisque velutionibus istis quemvis potius, quam te auspicem, capiendum fuisse sentiant ac parum pudentis hominis esse, magnarum rerum administratione, atque ingentibus curis implicato Principi, priuatis ac ludicris hisce studiis obstrepere: Sed hoc, & huiusmodi cetera solum illum moueant qui te, ac diuinam ingenii tui vim nequaquam perfectam habeat, quae est eiusmodi ut non ita totam sibi maximarum rerum procuratio vindicat, ut non eodem tempore vel minimarum ad vsum sese tractationemque demittat. Tritum illud est doctorum omnium sermonibus, magnos vos Principes ad imaginem Dei ac similitudinem propius expressos quam mortales ceteros viuere: hoc ipsum verò non alia magis in re, quam in ea de qua agitur vsu venire confirmo: ut enim Deus sic in mundi, rerumque magnarum gubernatione ita intentus est, nullam ut propter vilitatem, exiguitatemque praetereat, sed pari providentia moderetur vniuersa, ita vos Principes in omnibus perinde hoc quod vos appellamus, & Principes semper estis, & Maximi. De te hoc quidem non assentandi animo, non coniectandi quadam dulcedine profiteri possum, his etiam in artibus, ac notitiis quae vulgi iudicio perparuae, & otiose habentur, sic excellere ut eos facile vincas, qui hoc vnum in vita negotium sibi sumpserunt: Equis est enim te hodie (cetera ut omitram) numismatum antiquorum peritiâ, discernendi solertiâ praestantior? Quis quod est consequens veteris omnis memoriae, ac historiae consiliator? atque ut mei quod instituti est ac temporis perstringam, constat in vsu stirpium, & herbarum ac scientia, (quo in genere praecipua eius quam profiteor discipline cura vertitur) neminem te nondico superiorem, sed vel tibi hac aetate comparandum esse: cum his ergo sis, & ea prosequare studia, imò etiam glorianda putes, vnde specimen hoc deductum est quod Regiae tuae Celsitudini dicare sum ausus minus verendum arbitror, ne quis cur ita fecerim rationem poscere velit, quam si aliter instituissem accusare probròque vertere, si me praesertim noueris, atque eo parente natum in quo tibi non mea tantum omnia, sed me ipsum iam pridem oppigneratum, & obstrictum esse minueris, cuius cum te fidei, valetudinemque tuam tot iam annos commiseris, neque purgare consilium hoc meum factumque debeo, neque quò minus id equi-bonique consulas de tuo iudicio aut voluntate dissidere.

Regiae tuae Celsitudinis vsui, & mancipio
omnium addictissimus ABEL BRVNYER



THE
1850

THE
1850

THE
1850

QVÆSTIO PRIMA

CARDINALIS.

6.^o *An Medico cognitio plantarum sit absolute necessaria.*

SUBLIMIS quidem est, sed quàm vana, ita vesana in rimandis syderum viribus Astrologorum contentio: sensus enim etsi specillis, tanquam stimulis potius quàm adminiculis intendatur, non aliter acuitur, aut attollitur, quàm vt toto cælo aberret, quærat, & non inueniat, animi auiditatem diffundat, non impleat: Astorum enim quos vocant influxus molis omnis colorisque expertes, sunt hæc splendida munera quæ cæli his inferioribus vice vegetalis exoluunt, dum destinato ordine progredientes luccæ & radios, vt motu, calorem, diuersoque syderum situ & aspectu, lumen variè reflexum aut refractum offerunt, nimirum vt sint rerum omnium fecunda semina, quocunque *dōgenæ*, nisi circa tellurem vbi tanquam ex vtero in inuentium omne genus pullulant. Ad terram ergo totius machinæ omnisque linæ centrum oculorum conuertenda acies: ibi enim conspicua sese præbent miracula: inibi celorum dotes formam qua nobis appareant induunt, cum è luto cui immiscetur multa quidem animalia, sed innumeras plantas suscitant, vnde nihil inuestigatione dignius ecclesti illo spiritu stirpibus insito quo viuunt, germinant, nutriuntur, crescunt, & generant: hincque planta non ineptè dicitur animatum illud cui sola anima vegetans inest, cuius minima species herba è radice statim sua folia fundit, & sine trunco caulem semini ferendo promit: hæc eadem mirabilis genii solertia arborem alteram speciem ex femine vt plurimum tenui crassum, solidumque, & vnicum firmissimum truncum necit, cui surculorum numerosam profapiam, ramorumque proceritatem annectit, quemadmodum ex pariori, & ob lentorem minus sequaci materiâ cremum ab arbore solo paruitatis discrimine diuersum elicit: fruticem similiter caudice multiplici quo pluribus forte propagationis munimentis insistat, exprimit, quibus tubera fungosque tanquam plantarum genus quintum addidit. Ea verò in singulis partibus exarandis ordinis prudentia micat, vt primò radicem in totius basim, vt in alimentu penu defigat, caulem dein supra terram elatum ad securiorem eiusdem anadosim condat, moxque folia vt ad ornatum, ita ad stipitis, florumque præcipue, & fructus tutelam circumtendat, in quorum subsidium rami multis stipati surculis succenturiantur, vt tenuior inde succus, & syncerior in flores assurgat idemque mox exuperans in fructum, aut semen totius plantæ compendium perficiatur: his etiam partibus famulaturæ aliæ iugantur, quæ vel ob simplicem compositionem, aut in animalibus factam comparationem similes nuncupari solent, quarum communes sunt vndique diuisibilis caro, cui illicò fociatur membrana, teres illud tegumentum quo stirps omnis obuoluitur, subsequitur nervus non tam ad motum quàm ad firmam quietem destinatus, harum denique numero adscribitur vena quæ in longum, & cauum expor-

recta, semelque tusa varii coloris succum, aut lachrymas effundit: os vero in cerasis, prunis, malis perficis, & cartilago in pomis & pyris in medio semina obtegens, partes similes propriæ appellantur. Earum præterea partium, textura ita eximia, & communis est, vt ne minimum sit folium quod carne, neruo & membrana non constet. Cortex ex carne, & neruo coalescit, radix, & caulis his omnibus, & medulla tanquam corde pro suo apparatu gaudent. Florum partes externæ sunt calyx, & petiolus, hic ex membranis vt plurimum coagmentatus fructum, & florem cauli, aut ramo alligat, ille verò nihil aliud est quàm ex foliis florum figura crateris expressa, in cuius fundo pars interior dicta umbilicus è centro stylum, vt stamina circumposita quæ sunt veluti capillamenta obinfitos apices in summitate prominentia promit. Fructui ex carne, & lemine confiato *ἐκκάρπια* vario artificio specie tria, aut duo, aut vnicū, nequaquam verò quatuor succrescunt. Sed quàm elegans, & ingeniosus est ille penicillus qui tot colores tinctorum omni imitatione superiores plantis depingendis inseruit: quemadmodum enim herbam moschatam, caryophyllos, gelseminum, rosam ad olfactus illecebras, ita in magnatum oblequium ad oculorum delicias anemones, & tulipas tam varia, tantæque venustate commendauit, vt pauci non sint floricolæ qui Ægyptiorum more bulbos suos tanquam Deos non colant. Hæc verò cum ad voluptatem spargantur, ita ad Philosophiam excitandam, & Medicinam perficiendam passim occurrunt: Natura enim dum omnia ad hominis salutem excogitauit, nequid præterea in toto stirpium genere irritum foret ne minimum florem paritur, è quo pharmacia medicamenta sua, aut diæta alimenta non eruat: quod vt securius absolueret sublimes vt plurimum auscultationes, tanquam facies illustrandis Medicinæ consiliis præterdit: Si qui enim flores aperto calice noctu solum hiescant, aut oleant, hæc vt succi paucitatem, vel tenuitatem calore foliis, & aëris statim euandam arguunt, ita pro morbis ab humorum copiâ, & crassitie indicationem remedii ostentant: Simili industriâ contemplanda venit æschynomene quam plantam sensitiuam vocant, quæ leuiter attacta manifestè recedit, succo namque tenuissimo quo pollet ad leuem motitationem excusso in seipsam subsidendo contrahitur, eoque sensim restituto pristinæ amplitudini redditur. Nec minùs mira est illa officina quæ stirpes tam variè versat: aliæ enim in situm repentem detorse perpetuò iacent, dum aliæ à suis etiam primordiis extolluntur, aut in amplexus ruunt, quodque adhuc fortè occultum est à sinistris ad dextra vno lupulo excepto contorquentur. Quamuis verò multa ad ludum, plura adhuc ad vsum nobis natura porrigit: ex his siquidem vestes texendas ad nuditatis, navigationisque opus, lignum in ædium, altarium, & classium fabricam, ignisque quo solus vitur homo, tanquam veri Vulcani fulcimentum præbuit: nec his quidem contenta quæ inertem materiam sapiunt, vires etiam elementorum sagax illa domina ea arte annexuit, vt qualitatum miscellam, variamque temperiem morborum amplitudini adæquauerit, secundas denique, & tertias qualitates è primis eductas retinuit, vt quidquid in his abstrusum est hominem totum, hoc est philosophum, & medicum plantis à quibus omnia mutuatur ad morbi sanitatisque opus integrum applicaret:

Nec quidem defultoriâ velitatione venena à remediis, vt alimienta ab his distinguntur: vix enim licet tam celebrem disciplinam ludo, aut casu astruere, quæ artis procerum, maiorumque obseruationibus pro humana salute inuenta, & exculpta fuit. Quod si cum plantis omnis nostra spes pullulet, quàm acerbum est ingrati animi vitium bonorum authores ignorando contemnere. Similis est eorum hominum audacia qui è mineralibus auxilia emendicant: hæc enim empyreumate suo, principiorumque malignitate & vitâ omni destituta nec ad alimoniam, nec ad medelam sunt. Si quæ insuper ab animalibus petantur in plantas quibus vescuntur semper refundenda. Quis ergo medicus nisi fortè iners, laboris impatiens, disciplinæ incapax, vitæ suæ, & alienæ incuriosus, & nomine quod ambit indignus stirpium scientiæ sensus omnes suos non deuocet: hæc enim vtardua, spinisque multis obsita, ita viro forti digna, ita ad vitam vtilis, ita honorifica, si de ea bene meritis Salomon sapientissimi hominum titulos meruerit.

Ergo cognitio plantarum medico absolute necessaria.

4 QVÆSTIO SECVNDA

CARDINALIS.

7^o An Podagra etiam inueterata curabilis.



AD ingeniosum insignemque corporis apparatus stupet animus, & cuiusque particula pro mœrendo principatu dimicantis litem & dignitatem demiratur. Primas enim oculus ob splendidam fabricam, & ex tunicarum numero, figura, rotatione, lucēque coelorum æmulus sibi præsumit, cor *ἀξιωματός*, tanquam vitæ, caloris, sanguinisque vberima scaturigo vsurpat. Cerebrum sensu, & motu, & situ elatum, ita ambitu superius. Manus quod altius adhuc asurgant pro vitæ muneribus externis implendis inter organa laudem & tyrannidem affectant. Sed vt quibusque sua relinquuntur *ἐπαρμόνια*, quod naui carina, ædibus fundamentum, id partibus, totique corpori pedes sunt. Ad quid enim cordis subsultus, & affectus, phantasie conceptus, manuum ad operandum alacris obseruantia? Ad quid immensa locorum spatia quæ vnico obtutu lustrat oculus? nisi metiendis, & obsecundandis tot desiderijs pedes opitulentur. Fatetur siquidem gratitudo nostra hominem vt vitæ, societatisque munia obire, ita à pronis in terram animalibus, serpentibus, repentibusque lumbricis in aliam speciem pedibus abire. At cùm grauissimum sit à iucundo sanitatis negotio, in acerbum morbi negotium deuolui, iure quidem meritis podagra inter grauissimos affectus numeranda: est enim illa species arthritidis quæ pedes eo modo infestat, vt morui impedimentum, & sensui dolorem inferat, tumoremque, & ruborem aliquando subnectat: quæ omnia fluxio humorum, vel congestio circa articulos certis intervallis repetit. Sed præcipue serosa colluies mordax, & erosione pollens quæ acrimoniâ & *λεπτομελέα* tanquam stimulis impulsâ in podagram prompta est, cuius eruptione etsi statim exundet articulus nemini mirum sit si humore serino imbutus nervus consuellione non quatiatur: quemadmodum enim lepus marinus in pulmonem, cantharides in vesicam collimant, ita hæc ichærofa saburra certo acritudinis gradu, aut aliæ malignitatis affectatione solis membranis infesta est. Chymici qui nil noui nisi nomina inueniēre hanc humoris speciem tartarum, & spiritum salinum nuncupant, quem principiorum insitâ vi illicet fermentari, feruorēque veluti quodam per maiora vasa variè impulsū aliquandiu versari asserunt, donec in minora recondatur, tandemque in articulos per arterias, venasque capillares decumbat: huius vero cacochymie fons hepar est calidius icharibus generandis aptum, vel etiam ventriculus qui ex intemperie miscendis, & concoquendis alimentis impar prauorum eduliorum acrimoniam malè coerecitam quam aliquandiu tardauerat, lieni tandem exponit: hic enim hiantē vasē breui (quod vocant) acribus, serosisque humoribus ita gaudet, vt etsi grauatus, à tali prolestatione non desinat: in hunc ergo tanquam promptuarium quoddam irrepit acerbis ille podagræ parens, qui dum est *αἰ ἀρρώστος*,

vt

vt cerebro tetræ anathymiasis appulsu, molestiam terrorem, & spirituum per-
 turbationem inuehit, ita dum est *κατὰ πόρον* in arteriæ cœliacæ, venæque
 propagines per lienem ad eius obsequium disseminatas semel conuersus arti-
 culorumq; membranâ acriter defixus in podagram firmatur, cui præterea Ven-
 us, & Bachus æqualiter fauent, illa quod neruis non modo sit inuisa, sed
 quod spiritus profusè nimis absumat, hic quod neruos, membranâque frang-
 gat, fomitemque, & robur morbo suppeditet. Vt vero labor modicus arti-
 culorum firmitudini est, ita exuperans è situ suo articulos non modo de-
 turbat, & ex laxitate diffillationi pronos subternit, sed calore, doloreque
 fluxionum magnetibus quos induxit in loco præsertim decliui arthritidem sus-
 citat. Inter anni tempestates ob humores fusos ver articularis morbi quàm
 feracissimum, ita Autumnus calor variâ, & inæquali vicissitudine spiri-
 tum, articulorumque vim omnem infringendo imbecillitatem articulo pa-
 rit, quam etiam inter causas præcipuas recensere debemus, præsertim quæ
 semine parentum fata est, cuius vitium non raro illibatis parentibus ad ne-
 potes, inferiorémque sobolem transfertur. Podagram verò ingruere præla-
 giunt tumor venarum circa pedes, & lassitudo spontanea, præsertim circa
 temporarecurrentis paroxyfmi: hæc autem quamuis vt opprobrium, & crux
 medicorum obijci soleat, industriâ tamen medicâ emendabilis comperitur:
 non enim aliter remediis contumax est quam ægrorum medicinæ legibus non
 obtemperantium impatienciâ: aduentans enim quilibet, veluti medicus mis-
 ericors, blanditurus potiùs quàm solaturus remedia consulit, quæ vt
 noua aliis iam admotis, doloremque non statim remouentibus præferuntur,
 vnde intempestiuo remediorum vfu aut commouetur fluxio, aut incu-
 neatur humor vires articuli residuas suffocat. Quamquam vero in senibus
 ex occasione facilis viæ ad articulos senio morboque languidos difficilis sit
 medela, in adolescentibus tamen, aliisque robustioribus dominatu calor
 natiui, medicinæque auxiliis nequaquam *αίματος* creditur: victu enim pra-
 uo in laudabilem mutato, subtractâ omni generandæ tali saburræ ansâ, ro-
 boratis visceribus intimis, firmatisque articulis ne amplius fluxionum sint
 mancipia, in priorem statum erigi nemo sanæ mentis inficietur qui norit
 quàm necessaria sit ex ætatis decursu temperamenti immutatio: quemad-
 modum enim iuuenibus quibus alius ex siccitate pigrescit paucis abhinc
 decursis annis *ὕδατος*, & vice versa, ita procul dubio ex iuuentutis igneo
 temperamento ichores acres & mordaces cumulat, ætatis temperationis
 progressu mitigati omnem arthritidi occasionem eripiunt. Si ergo ætas de-
 mulcendæ arthritidis causâ, si purgatio eliminandæ sit æqualis, & si phlebo-
 tomia initio veris multos arthriticos ex Galeno curet, vel si fluxio ad ade-
 nes, & pulmonem cæteris partibus imbecilliores in alium tramitem deue-
 hat, si ossa fracta callo tanquam firmiori nexu coalescant, si denique luxa-
 tus articulus, & à sede sua penitus deiectus restitatur, quidni idem tenui
 humore madescens calore, aut frigore, intemperatus, ac imbecillis obfirmari,
 & pristinæ sanitati reddi non poterit.

Ergo podagra etiam inueterata curabilis.



QVÆSTIO TERTIA

CARDINALIS.

8.^o *An medico chirurgi munus ambire indecorum.*

EX refragantibus in musica tonis harmonia, ex qualitatibus contrariis concentus, ex imperio & obsequio rerum omnium decorus ordo resultat: quemadmodum enim nonnulla ad dominium extulit natura, ita ut mundi fatum neceret ad seruitutem alia mancipauit. Inter elementa aqua & terra molis pondere, formatumque ignauia orbis penetralia occupant. Aër, & ignis leuitatis impulsu ad superas euolant auras. Coelis feriatum annexis, & superioribus primum mobile situ & motu supereminet. Nec aliter ego interpretor imaginem illam diuinam luto in hominem effigiaro impressam quàm illustrem dignitatem quæ autoritate deriuata ius est summum, & legitimum imperandi: statim enim editus homo terræ dominus est, moxque ad imperij insignia, aut amplitudinem vxorem sociam, & subditam nanciscitur, quæ societas in aliam rursus emersa filios admittit, submittitque, & denique ne quid sit quod non esset inferius, homo homine superior euasit. Hinc seruus hero adstringitur, & ut ad commune bonum vtrique per artes innumeras vitam decurrere decuit, ita similis subordinationis nexu sibi inuicem subdita esse hæc eadem salutis præsidia libuit. Hinc architectonicis quamplurimæ artes famulantur, τῇ ἰπτικῇ χαλινοποιτικῇ ut medicinae chirurgiæ, & pharmacia subseruiunt. Nec vllum est periculum quod sortis nostræ imbeeillitatem magis conturbet, quàm cum ad ea assurgimus quæ supra nos sunt, nec quid magis indecorum quàm cum ad ea deuoluimur quæ dignitati repugnant. At cum ars omnis è rudibus multoties emendandis obseruationibus emergat, solâ medicina è coelis ad clarius imperium demissa est: huic solitot delubris in eius cultum extructis publicos honores decreuerat antiquitas, ut ad veram dignitatis commendationem ex necessitate venerandam altissimus de coelo creauit, quam si quis inferioribus negotiis immisceat æque in vitæ conditionem peccat, ac si leuia deorsum cogere velit. Etenim quid magis temerarium quàm dignum illud medicinae dominium infringere, cui non modo pharmacopœi, & chirurgi tanquam vulgares famuli, sed quodlibet hominum genus subiacent: sublimis siquidem, & imperiosa est ea potestas quæ omnibus & vbiq; leges suas impositura Reges ipsos arti suæ subditos adstringit. An ergo è palatiis imperantem archiatrium ad tabernam chirurgicam detrudi, vilibusque ministeris immersum tyronum personam inducere decet? mox ex frequenti trichotomia minutatim corrogatis obolis crasseferre, aut miseris quibusque languentibus meditato sermone, gestuque composito adulari, serui comitate pus obscœnum detergēdo scædam haurire mephitim, horrenda vlcera lambere, fasciisque obuoluta tanquam quid pretiosum recondere, denique in vltioris experientiae monimentum, & lucrum è prostitutorū

fanie madentibus, aut omni luc infectis oculis turpem exigete nummum? An
 inquam cœlestem artem, regiam comitem ubique imperatricem ita deprimi, &
 fœdari decet? Scitè igitur naturali lege, & quotidiano vsu sancitum est quelibet
 limitibus suis ita circumscribi vt sine *anxia* & dedecore ne larum vnguem
 (vt aiunt) recedant. Quod si domino repugnet serui vicem implere, iudici
 carnificinam facere, ita medico chirurgiam affectare indignum est: Quantum
 enim mens corpori præstat tantùm eius opera illius operis antecellere quis du-
 bitat? An ergo vicem eorum doleam, aut mirer nescio, qui præclaras ani-
 mi dotes è toga ad pallium deuoluti manibus non tam adiciunt quàm sub-
 iiciunt. Digna profecto monstra queis Briareus *ἐκταρξῆς* imperet! Ferendi
 sunt, etsi deferendi proci Penelopes fastidio ad ancillas conuersi, sed viros
λατρυῶντας à medicis quarum compotes sunt notionibus abire, & chirurgi mu-
 nus ambire si quis sustineret Hercules colui fufum suggereret. Verùm cele-
 berrimos illos Machaones, & Podalyrios manus, non animus commendauit,
 Hæc fuit priscorum æuorum calamitas, non fœlicitas, probum, non de-
 cus, apud quos, pictores decuit tabellæ speciei nomen, quod nunc dedece-
 ret, apponere. Illis pinguis, nobis subtilissima est Minerva. Temporis rerum
 edacis lima multa vt attriuit, ita expoliuit. Facefsat ergo turbatus ordo quo
 hera ancillæ famulatur, cuique auccentare licet Io Saturnalia.

Ergo medico chirurghi munus ambire indecorum.



QVÆSTIO QVARTA

CARDINALIS.

9.^o *An indiscriminatum in omnibus morbis phlebotomiæ usus vera
medendi methodo aduerferur.*

AR T I S medicæ limen asperum, & nisi multo sudore lubricum, iter anfractuosum, & nisi Ariadnes fili ductu percurrendum. Nautis ventorum arbitrio sine clauo commissa scopulos, nusquam scopos ferit, ita sine methodo medicina pro effugio naufragium, pro documentis nocumenta sectatur. Hoc enim in isto morborum oceano nauigantibus sy-
 dus foelicissimum affulget, hæc fax securissima salutis portum, affectusque omnis latebras illustrat: Est namque illa disciplina quæ per indicationes san-
 nitatis conferuandæ, aut recuperandæ auxilia inuestigat, hacque nisi dirigantur remedia Orci sunt potius quàm *ἑλδοχαῖρες*: hæc verò duo præcipua sunt, purgatio humorum qualitati destinata, & phlebotomia sanguinis quan-
 titati minuendæ nuncupata quæ eius est momenti, vt in genus humanum ius habeat vitæ & necis: *Εὐεχίας* vtrâque plethorâ dum soluit affectus in-
 numeros anteuerit: inflammationem fufis sanguinis cataractis ad lipothy-
 miam vsque foeliciter extinguit. Nec propterea indiscriminatum vsurpanda venit: quamvis enim irruenti rheumati obstat, quid consistenti confert? nisi vt partem debilem magis infirmet, indèque nouæ fluxioni ansam præbeat, & in morbis thoracis optandæ anacatharsis omnem spem virêsq; frangat. Inculcant enim priscorum sæculorum obseruatio, & vulgaris experientia in motus animi, & corporis aërisque grauissimo æstu naturæ genio parcen-
 dum esse: Artis etiam procerum monimentis decretum est pro syncope, etsi à plenitudine pendeat opem non tam à sanguinis missione, quàm à frictio-
 nibus, ligaturis, & cardiacorum vsu petendam esse. Ad pulsus inæqualita-
 tem consuetudini imperitæ vulgus addictum phlebotomiam inconsultè ac-
 cerfit. Sed quid funestius quàm dum talis anomalia insignis putredinis, aut confirmatæ imbecillitatis, aut denique naturæ crism meditantis & mo-
 titantis fidum est *τὸν μὲν*. In malignis affectibus siue intus succrescat, aut foras irruat venenum non ita effrænate profundendus est vitæ thesaurus: ta-
 lis enim obicis defectu, omnibusque veluti repagulis solutis insolescens malignitas per partium sinus ferociter debacchatur, naturâque inermem, & fractam aggrediens facillimè superat. Quis in hydropico nec-
 tar illud viuificum quæret, aut fundet? si aqua ex paracentesi ob nimie dissipationis metum nisi repetitis vicibus sit vacuanda. Ex insigni putre-
 dine humores fusi, & olei instar supernatantes, aut ex maxima cruditate vasorum lateribus affixi apertâ venâ non effluunt. Natura in lassitudine vlcerosâ, erysipelatæ, variolis, morbillis, aliisque quam plurimis cutis maculis foedæ colluicis excretionem per venas capillares affectat & molitur, ita
 ob

ob metum regressus phlebotomiæ repugnat. Febrî hæctica exsuccum, aut quemuis hæmorrhagia, vel alia vacuatione exhaustum phlebotomiæ nouo torculari exprimendum nemo nisi vitæ humanæ insensu hostis condemnabit. Flatus dum est soboles cruditis, aut intemperiei hæctica intestinorum (qualis tympanitem comitari solet) sanguinis missionem vt mortem abhorret. Quis præterea aduersus morbos, aut potius sanitatem ita atidax qui ventriculo ob copiam humoris lasciuientis, aut exhaustum infirmo tam sæuum deputabit remedium ? si in febribus acutis dum adest maxima cruditas purgatio phlebotomiæ iure anteponatur. Hydrophobiæ veneno pituitæ, & melancholiæ analogo, vt insanix, & phrenitidi ab intemperie simplici, lethargo, caro, & alijs cataphoricis affectibus venæ sectio vt plurimum nocet. Anceps ergo est tale remedium, vt enim constantibus viribus, etate, & tempestate consentientibus in grauibz inflammationibus securè iuuat, ita promiscuè repetitâ imperitorum phlebotomia iugulat: nam quamuis pleuritidi conueniat, non tamen in omnibus lateris doloribus febre etiam comitatis, nec in fastidio ab exoluto ventriculo, nec in *καταρροὴν νεφρῶν* ex Hippocrate, nec ex Galeno obstructionibus confert. Grauidis in primis mensibus vt ob fructus pediculorum tenuitatem, ita in postremis ob *τὸ ἐκφυγεῖν τοῦ* grauitatem, abortum minatur. An denique pueris mollitie diffluentibus, & ex rariori textura *διαπολυτὸς* è matris gremio, mammarumque adhæsu ferociter auulsis, omni quasi dulcedine interdicens, lac ab ore, sanguis è venis, (sæpius aliunde genitus) immaniter substrahi decet: quo misero istorum ciulantium fato fieri dicendum est, vt ocelli qui huc vsque ad lucem conuiuèrant ad videndum carnificem per lachrymas aperiantur. Senum corpora annorum non minus quàm cruditis pondere grauata, & quæ humidi primigenij defectu fatiscunt, fulcro vnico, sanguine quo vix nituntur fraudare immanitatis est barbare, & parricidium redolentis.

Ergo indiscriminatim in omnibus morbis phlebotomiæ usus *vetæ* *medendi methodo* aduersatur.

ASSERTIONES.

AQUÆ minerales salutares.

Plantarum semen animatum est.

Rudis sine chymia medicus.

Sunt venæ lacteæ præter meferaicas chylo deuchendo destinate.

Vnica pars princeps cor.

Lien serosis humoribus expurgandus est.

PARADOXA.

IGNIS non calefacit, nec aqua refrigerat.

Imaginatio non signat fatum.

Mores non sequuntur temperamentum.

Crisis etiam primo die contingit.

Rhabarbarum bilem non attrahit, nec agaricus pituitam.

Rebus omnibus sensus inest.

PROBLEMAT A.

AN sale suo planta repullulare possit.

An morbis amuleta prosint.

An mulieribus sint semen & testes.

An detur remedium hamagogum.

An Scythiæ sine stapedibus equitantes eunuchi cuadant.

An tertio die semen sit animatum.